

定盦全集

冊四

定庵全集

目錄

定盦別集

仁和龔自珍璉人饌

無著詞選

菩薩蠻

文廊匝匝屏風曲輕寒惻惻侵簾箔秋思正沈吟秋陰幾許深
無言垂翠袖
粉蝶窺人瘦蝶也不禁秋涼花相對愁

夢芙蓉

本意

背鐙欹鳳枕見一珠秋弄水裙鳳鬢露華無力飛下珊珊影又微芒不定月墜
金波孤迥小立空塘怨紅衣半卸消受夜涼緊脈脈鴛鴦暝正穩乍蓮房粉
墜驚初醒香重煙輕愁絕共幽映五更魂魄冷吟斷錦雲休訊指佩疑寒更凌
波恐溼塘外曉風陣

卜算子

題獨立士女

拜起月初三月比眉兒瘦不遣紅鐙照畫廊縹緲臨風袖
庭院似清湘人是
湘靈否誰寫長天秋思圖熨得闌干透

點絳脣

日落花梢慊慊春勸何時省紗窗又暝黃月濛濛影
沒箇商量除是和愁等羅衣冷香階紅陣燕子歸期定

虞美人

紗窗暝色低迷綠猶未傳銀燭春寒瑟瑟晚來添玉釧微聞應是換吳棉
金鑪香篆惜惜墮新月窺人坐湘簾放下悄含顰生怕梨花和月射啼痕

洞仙歌

一梳春月澹溶溶欲上鸞尾雲晴碧天掃正文窗四扇縹緲華空晶豔豔玉女
明燈一笑幾番攜手處疊誓天邊寒綠深深帳紗悄親手采瓊芝著玉盤中
添香水養花還小見說道仙家夢都無便夢也如煙曉涼欺覺

醉太平

長吟短吟恩深怨深天邊一曲瑤琴是鸞心鳳心
香沈漏沈魂尋夢尋玉階
良夜惜惜有花陰月陰

清平樂

垂楊近遠玉鞵行來緩三里春風韋曲岸目斷那人庭院駐鞭獨自思惟撩人歷亂花飛日暮春心悵悵可能紉佩同歸

太常行

一身雲影墮人間休認彩鸞看花葉寄應難又何況春痕袖斑似他身世似他心性無恨到眉彎月子下屏山算窺見瑤池夢還

端正好

數年華間中黯黯記不起誰恩誰怨金爐香裊畫沈沈并疊作閒愁片月明花滿天如願也終有酒闌燈散不如被冷更香銷獨自去思千遍

霓裳中序第一

霓裳羽衣之曲今不傳戲補之

當筵問古月誰向其閒起宮闕風馬雲車歷歷見桂葆乍迎嬌如雪遙空聞說說衣來天袂涼絕驚鴻起素衣二八舞罷老蟾泣飄忽長風吹急竟天上人間了隔仙聲一半記得漢武秦皇有路難覓開元慶佳節算合樂圖中應識

宋苑

本有楊太尊前祝千秋萬歲不須有離別
真合樂圖

長相思

仙參差佩參差數罷鸞期又鳳期彩雲西北飛
簫一枝笛一枝吹得春空月
墮時月中人未歸

又

住西樓話西樓好夢如雲不自由喚人錫倦眸
憶從頭訴從頭銀漢茫茫入
夜流人間無盡愁

天仙子 自賦所藏葉小鸞眉紋詩硯

天仙偶厭住瓊樓乞得人間一度游被誰傳下小銀鉤
煙澹澹月柔柔伴我熏
香伴我修

瑤華 董雙成畫像

雲英嫁了弄玉歸來向翠樓瓊戶虛無萬疊試問取金闕西廂何處容華絕代
是王母前頭人數看紫衣仙佩非耶漢殿夜涼歸去
低鬟小按霓裳唱月底

仙聲記否親遇霞宮侍宴渾忘了聽水聽風前度天青海碧也只合其中小住
笑人閒兒女聰明倒寫成雙名字

浪淘沙

寫夢

好夢最難留吹過仙洲尋思依樣到心頭去也無蹤尋也慣一桁紅樓 中有
話綢繆燈火簾鉤是仙是幻是溫柔獨自淒涼還自遣自製離愁

如夢令

本是花宮么鳳降作人閒情種不願住人閒分付藥鑪煙送誰共誰共三十六
天秋夢

高陽臺

嚼曲含香吹笙聘月華年心緒惜惜十二重簾重重閣住春陰花魂蝶夢飛難
度倩何人料理幽襟問春人知否園亭啼徧流鶯 生愁一點朝雲散把青梅
細數紅豆閒吟尙怯餘寒爭教負了香衾凝鬢不放熏篝穩墜猩紅半幅吳綾
啓湘屏多病心情忘繫花鈴

喝火令

欲賦仙模樣空愁彩筆彫藕絲衫子鬱金翹立到水芝花上羅韞末香消
端
正當窗戶停勻鞦韆步搖斷無幽意上眉梢只恐凝妝只恐背人嬌只恐夢回香
淚揩上枕頭綃

木蘭花慢

問人天何事最飄渺最銷沈算第一難言斷無人覺且自幽尋香蘭一枝恁瘦
問香蘭何苦伴清吟消受工愁滋味天長地久惜惜
蘭襟
一丸涼月墮似他
心有夢訴依依香傳裊裊眉鎖深深故人碧空有約待歸來天上理天琴
詞一卷讀之一人告
予曰此天琴譜也
無奈游仙覺後碧雲垂到而今

菩薩蠻

行雲欲度簾旌去啼花恨草無重數吟淡口脂痕秋心自覺溫
秋懷珠與玉
寫上羅箋薄暮暮與朝朝工愁要福銷

惜分釵

金鋪曉褰幃早嫩寒漠漠欺人覺霧沈香額微黃報道寒梅也學晨妝雙雙
明窗掩重簾軟鑪香自炙紅絲硯點銀鉤記清愁待把琴心寄與西洲休休

如夢令

紫黯紅愁無緒日暮春歸甚處春更不回頭撇下一天濃絮春住春住黯了人
家庭宇

金明池

按拍填詞拈簫譜字白日銷磨無緒春夢斷拈天香草試悵望美人何處中餘
醒才要醒時卻又被豔想迷漫遮住早燕子匆忙楊花零亂好煞年光將去
料理相逢今又誤問除卻相思怎生言語箋閒恨絲煩絮亂製密意綠愁紅妒
甚天工作就慵時有萬種恹恹十分凝佇便拌不懷人從今決絕如此情悰消
否

一翦梅

一丸微月破黃昏卷定簾痕劃定鑪痕春歸誰與試溫存春瘦三分人瘦三分

柳花桃葉鎮紛紛掩了重門閣了芳樽安排怊惆倚羅屏紅字消魂香字招魂

青玉案

韶光不怨恩恩去祇怊悵年華誤目斷游絲情一縷斷橋流水夕陽飛絮可是春歸路樓頭盡日還凝佇欲訴閒愁向誰訴蕙渚花飛天又暮醒時如醉醉時如夢夢也何曾作

鶯囀序

用宋人韻

殘香半銷金獸啓朱簾瑣戶悄凝盼十里蘅皋多少心期傷暮夢回後半霎凭闌春煙閣斷天涯樹仗鶯魂有力喚起一天濃絮昨日閒愁今朝暗恨似濛雲惹霧拈彩筆親製紅詞有人憐賞心素正沈沈春深似海低徊煞年華金縷作人間病鳳啼鶯原輸鷗鷺胭脂含怨錦琴生愁悵春似逆旅在二十四番寒暖次第催完變了漫空撲人花雨釵寒佩瘦紅歌絳病惺惺胡蝶誰家宿況連天香草崇蘭渡予懷渺渺靈修尙隔中央只恐棄我如土凌波艤嬾繡綫

裙鬆換吳棉白苧爲一種心情無奈斷送韶顏顚顚而今勸君休舞渾都不管
愁儂怨汝靈犀不管一寸分明見更何須弄入瑤琴柱紗窗日落無人獨倚黃
昏有誰省否

菩薩蠻

吳棉一幅單鴛被沈沈和霧和香睡花氣溼銀屏紅窗斜月明 玉蘭干畔路
曉夢無尋處夢醒轉沈吟花寒恐不禁

臨江仙

一角紅窗低嵌月矮屏山蹙羅紋梨花情性怕黃昏淚憐銀蠟淺心比玉爐溫
底事雛鬢愁不醒冬冬蚪箭宵分起來親手放簾痕春空涼似水西北有嬌
雲

又

酒渴思茶交午夜沈煙閒撥釵梁小梅花盒教添香填詞渾已懶何況脫衣裳
才把夢兒牢捉住無端又著思量十分情願是回腸欲拋拋不得欹枕數鴛

鷺

浣溪沙

香霧無情作薄寒。銀鐙吹處氣如蘭。凭肩人愛夜闌珊。
花語綠窗涼月聽雲。欹文枕。畫鸞看。釧聲微。夢兒難。

又

鳳脰鐙青香篆寒。尋思脈脈未成眠。欹鬟沈沈溜犀鈿。
一燈梅花紅似酒。半庭春月暖於煙。紅闌干外夜闌珊。

夢行雲

曉幃怯春冷。重簾下。眠未醒。休翻翠被。恐教人驚省。
一枝豔豔。文窗外。梨花涼弄影。唾華襟上。啼紅枕上。
悲歡事。留淺印。嬌柔無語。倩人探心性。十分打疊。
情懷起。怕花愁月病。

洞仙歌

輕寒漠漠。又杏花天氣。卸了吳棉薄。紈膩把花魂細綰。
月夢低敲。閒譜得十疊。

新詞堪記 番番圓豔約春事迷人絮影風光太消碎小病不勝春嫩想穠愁
拚略受情多風味又銀燭傳來勸箋愁看比玉能紅比簫能脆

導引曲

無情緒無情緒寂莫掩重門銀蠟心多才有淚寶香字斷更無痕梨花浸黃昏

又

空相憶空相憶庭院四更天恁悵綠梅花下路半襟斜月不知寒鳳屢過闌干

玉聯環影

隴月魂傍花陰立紅淚留痕一片花枝溼袖兒寒佩兒寒依舊五更風急夢吹
殘

南歌子

香霧漫空溼珠簾翠地橫雲圍月擁見卿卿受盡輕憐痛惜不分明紅淚彈
前恨心香警舊盟瑤華密帳絮三生恁悵五更風急斷魂驚

桂殿秋

六月九日夜夢至一區雲廊木秀水殿荷香風煙鬱深金碧嵯
雨時也方夜月光吞吐在百步外盪灑氣之空濛都爲一碧散

清景而離合不如幾重一人告予
此光明殿也醒而憶之爲賦兩解

明月外淨紅塵蓬萊幽窅四無隣
九霄一派銀河水流過紅牆不見人
驚覺後月華濃天風已度五更鐘
此生欲問光明殿知隔朱局幾萬重

憶瑤姬

唳鶴吟鸞悄千門萬戶夜靜塵寰
玉京宮殿杳悵九霄仙佩不下雲
輶今生小謫知自何年消盡瓊煉
顏料素娥今夕無人問裙袂生寒
定萬古長對晶盤斂莊嚴寶相獨
坐嬋媛幽裏知有恨恨玉笙吹徹
徹骨難眠雙成問訊青女凭肩瑤
華筵宴罷長風起吹墮離愁到世間

夢玉人引

一簫吹瓊闌月暖錦雲飛十丈銀河
挽來注向靈扉月殿霞窗動春空
仙籟參差報道雙成乍褰了羅幃
陡然聞得青鳳下西池奏記簾前
佩環聽處依稀不是人閒話何緣
世上知夢回處摘春星滿把纍纍

意難忘

涼月珊珊伴蘭心玉性試語還難秋花分小影秀句寫冰紈眉意淺佩聲殘有珍重千般略逗伊隱花裙上竹葉斑斑知音何苦輕瞞者溫存隱秀慧思華年明明通爾汝瑟瑟數悲歡攜手際試顰間是意暖神寒玉漏沈芙蓉睡也重靠闌干

醜奴兒令

鸞箋偷寫伊名字琴語依稀箏語依稀花影無媒忽進幃蘭因絮果從頭問吟也淒迷迷搯也淒迷夢向樓心鐙火歸

鳳棲梧

誰邊庭院誰邊宅往事誰邊空際層層疊坐暖一方屏底月背人蠟影幢幢滅萬種溫馨何用覓枕上逃禪遣卻心頭憶禪戰愁心無氣力自家料理回腸直

右無著詞一卷始名紅禪詞凡九十二闕壬午春選錄四十五首癸未

夏付刊

定盦別集

懷人館詞選

臺城路 送姚怡雲之江南

平生未信江南好
輸君者番歸去
明月揚州古來英
而端合仙才人住
俊遊自許有載酒
詞場吹簫仙侶
豔想穠愁一齊翻
入四紅譜
西風吟緒正苦
又牽情冷柳離恨
千縷瘦硯敲霜古
箋啼月真箇銷凝
無主相思怨汝教
獨自凭樓冷吟誰
語一掬夫容送君
斷腸句

鵲橋仙

同袁蘭村汪宜伯小憩僧寺宜伯製金縷曲見示有望南天倚門人老敢云披薤之句余驚其心之多感而又喜其詞之正也

倚此慰之

飄零也定清狂也定
莫是前生計左才人老去
例逃禪閤割到慈恩真箇
吟詩也要從軍也要
何處宗風香火少年三五
等閒看算誰更驚心似我

浪淘沙 有寄

別夢醒天涯
悵悵年華懷人無奈
碧雲遮我自低迷思錦瑟
誰怨琵琶 小字

記休差年紀些些蘇州花月是兒家紫杜紅闌閑搯徧何處蘋花

水調歌頭 寄徐二義尊大梁

去日一以駛來日故應難故人天末不見使我思華年結客五陵英少脫手黃金一笑霹靂應弓弦意氣渺非昔行役亦云艱 湖海事感塵夢變朱顏空留一劍知己夜夜鐵花寒更說風流小宋淒絕白楊荒草誰哭墓門田遊侶半生死想見涕潺湲 謂嚴江宋先生

又 辛未六月二日風雨竟晝檢視敗簾中嚴江宋先生遺墨滿眼淒然賦此解

風西颯然至竟日作清寒我思芳草不見忽忽感華年憶昔追隨日久鎮把心魂相守燈火四更天高唱夜烏起當作古人看 一枝榻一鑪茗宛當前幾聲草草休送萬古遂茫然仙字蟬饑不食故紙蠅鑽不出陳蹟太辛酸一掬大招淚灑向暮雲間

點絳脣 十月二日馬上作

一帽紅塵行來韋杜人家北滿城風色漠漠樓臺隔 目送飛鴻影入長天滅